

verticis, neaculis duabus magnis discoidalibus pronoti, angulis basalibus scutelli ad angulum interiorem commissuraque, corio plaga obliqua infra medium fusco-nigris; femoribus posticis versus apicem punctis seriatis nigro-piceis. ♂.

*Var. β*: Inferne flavo-testacea, pectore lateribus limboque laterali ventris utrinque infuscatis, area orificiorum metastethii straminea, mesosterno fusco; capite cum oculis nigro-fusco, marginibus frontis ad oculos lorisque testaceis; pronoto piceo-nigro, apice sat late margineque basali tenuiter testaceis, angulis apicalibus macula nigerrima notatis; scutello testaceo, margine laterali utrinque ultra medium nigro-piceo; hemielytris testaceis, clavo maximam ad partem corioque plaga maxima apicali triangulari nigro-piceis, sutura clavi limboque exteriore totis pallidis; femoribus punctis piceis seriatis adspersis, posticis annulis duobus antepicalibus piceis, tibiis geniculis piceis. ♂.

Kingston.

*P. cuneato* Dist. statura, magnitudine, structura antenarum et verticis, sculptura pronoti etc. simillimus et verisimiliter solum ejus varietas.

## 12. *Cyrtocapsidea irrorata* n sp

Fusco-ferruginea, capite, pronoto scutelloque pube flavescente nitida vestitis, pronoto scutelloque sat nitidis, illo dense, hoc parcius sat fortiter impresso-punctatis, pronoto pone callos vittis tribus latis vel disco fere toto nigro-fusco, margine basali pallido; scutello nigro-fusco, apice pallide testaceo; hemielytris opacis, laevibus, tomento aureo vel argenteo in maculas collocato vestitis, clavo margine scutellari apicem versus, corio macula infra medium, ectocorio apicem versus maculaque anguli interioris apicalis nec non cuneo nigro-fuscis, corio margine apicali extrorsum, cuneo fascia obliqua angulum interiorem terminante apiceque pallide testaceis, clavo corioque maris interdum nigro-fuscis, solum basi ferrugineis; membrana nigricante, venis pallide flaventibus, areola minore maculaque parva ad apicem cunei nec non saepe fascia irregulari fere media albido-hyalinis; rostro, antennis pedibusque albido-flaventibus, antennis articulo primo